
Մամլոյ Հաղորդագրութիւն

Հ.Բ.Ը.Մ. ՀԱՅԱՍՏԱՆԻ ԸՆՏՐՈՒԹԻՒՆՆԵՐԸ ԿԸ ԲՆՈՐՈՇԵ ԻԲՐԵԻ ԱԶԳԱՅԻՆ ԱՌՈՂՋԱՑՄԱՆ ԱՌԱՋԻՆ ՔԱՅԼ

21 Յունիս 2021

Անմիջապէս Հրատարակութեան Համար

Յունիս 2021-ի խորհրդարանական արտահերթ ընտրութիւններուն մէջ իր արձանագրած յաղթանակով Նիկոլ Փաշինեան դարձաւ Հայաստանի Հանրապետութեան օրինականօրէն ընտրեալ վարչապետը: Հ.Բ.Ը.Մ. այս առթիւ իր շնորհաւորանքը կը փոխանցէ Պր. Փաշինեանին: Ընտրողներու վճռական մեծամասնութիւնը իր քուէն տուաւ ի նպաստ՝ իր խոստումներու իրականացման երկրորդ պատեհութեան մը, կրկին անդրադարձ կատարելու 2020-ի Արցախեան պատերազմի ողբերգական կորուստներու պատճառներուն:

Ժամանակները անկասկածօրէն ճակատագրական հետեւանքներ կրնան ունենալ մեր անկախ պետականութեան գոյատեւման տեսակետէն: Մեր հաւատամքն է, որ յաջողութեան հասնելու առաջին քայլը ազգային առողջացման գործնականապէս նպաստելն է: Այս գործընթացը կը ներառէ հաշտութեան ու գործակցութեան ոգիով պատշաճ յարաբերութիւններու հաստատում խորհրդարանական ընդդիմադիր ոյժերու հետ, հիմնուելով այն իրողութեան վրայ, որ տարածաշրջանային փխրուն իրադրութեան մէջ գործունեութիւն ծաւալող բայց ինքնիր մէջ բաժանեալ կառավարութիւն մը յաւելեալ վտանգներ կ'առաջադրէ մեր երկրին:

Այժմ ժամանակն է սատար կանգնելու Հայաստանի ապագային հանդէպ միասնական մէկ տեսլականի, անմիջական առաջնահերթութիւն համարելով հայրենիքի ինքնիշխանութիւնը եւ անվտանգութիւնը:

Ամենայն յարգանքով ներկայ ղեկավարութեան հանդէպ, մեր առաջարկն է, որ գործուն կերպով ամէն ջանք գործադրուի արդիւնաւետ ժողովրդավարութեան կազմաւորման ապահովումին ուղղութեամբ. թափանցիկութիւն, ներառականութիւն,

բաղաբացիական հանրութեան հետ համագործակցութիւն՝ ընդգրկելով նաեւ հայկական համատարած սփիւռքը:

Մեր երիտասարդ ժողովրդավարութիւնը պետք է իր կարողութիւնները սեւեռեւ անհրաժեշտ հաստատութիւններու ճիշդ կերպով կառուցման եւ կայացումին վրայ: Մեր անցնելիք ուղին մեր առջեւ համատեղ գործունեութեան պահանջ կը դնէ, ակնկալելով, որ հայրենի կառավարութիւնը ընդառաջ երթայ թե՛ հայրենաբնակ, թե՛ սփիւռքաբնակ մասնագետներու եւ տաղանդ ու ձիրք ունեցող անհատներու ներգրաւման անհրաժեշտութեան, ի խնդիր առաւել պայծառ ապագայի հասնելու ճանապարհային քարտէսի ստեղծման:

Իւրաքանչիւր հայ դերակատարութիւն ունի առողջացման ու վերաշինութեան այս գործընթացին մէջ: Որպէս աշխարհի ամենամեծ ոչ շահամետ հայկական կազմակերպութիւնը եւ որպէս հայրենիքի մէջ 115-ամեայ ներկայութիւն ունեցող հաստատութիւն, մենք կը գիտակցինք ազգովին խոցուած ըլլալու մեր իրողութեան յաղթահարման դժուարութիւնները: Գիտակից ենք նաեւ, մեր քաղաքացիներուն կրկին յոյս եւ ամրութիւն ներշնչելու անհրաժեշտութեան, արձագանգելով անոնց ամէնօրեայ, իրական, ընկերային-տնտեսական հեռանկարին առընչուող մտահոգութիւնները դիմագրաւելու, անոնց առողջ եւ ապահով կեանք ունենալու մարտահրաւերներուն ու մերօրեայ անորոշ աշխարհի մէջ իրենց զաւակներուն ապագան կերտելու մտավախութիւններուն եւ դժուարութիւններուն:

Անցնող երեսուն տարիներուն ընթացքին մենք բազմիցս կրցած ենք ապացուցել հայկական սփիւռքի անկեղծ ու մեծարժէք սատարումը հայրենի պետականութեան: Վստահ ենք, որ այդ նուիրումը շարունակական պիտի ըլլայ, որովհետեւ Հայաստանը եղած է եւ կը մնայ մեր հպարտութիւնը եւ մեր ինքնութեան երաշխաւորը:

Եկե՛ք վերակերտենք մեր ազգը՝ ճանչնալով եւ յարգելով բոլորիս տաղանդները եւ կարողունակութիւնները, զանոնք արդիւնաւետօրէն ի գործ դնելով: Մենք պարտական ենք յաջորդ սերունդին եւ անոնց, որոնք գերագոյն զոհողութեան յանձնառու եղան յանուն մեր ժողովուրդի ազատութեան եւ անոր հանդէպ արդարութեան:

Միութիւնը Չօրութիւնը է:

Հայկական Բարեգործական Ընդհանուր Միութիւնը (Հ.Բ.Ը.Մ.) աշխարհի մեծագոյն ոչ-շահամետ հայկական կազմակերպութիւնն է, նուիրուած հայեցի ինքնութեան եւ ժառանգութեան պահպանումին եւ մշակումին՝ կրթական, մշակութային եւ մարդասիրական ծրագիրներով: Միութեան գործունէութիւնները բարերար ազդեցութիւն կը բերեն տարեկան 500,000-է աւելի անձերու կեանքերէն ներս, Հայաստանի ու Արցախի մէջ եւ Սփիւռքի տարածքին: Իր հիմնադրութենէն ի վեր, Հ.Բ.Ը.Մ.ը հաւատարիմ մնացած է համայն հայութեան բարօրութեան ապահովումին ուղղուած իր գլխաւոր առաքելութեան: Յաւելեալ տեղեկութիւններու համար՝ այցելեցէ՛ք www.agbu.org կայքէջը:

Յանելալ տեղեկութեանց համար

AGBU Press Office

55 East 59th Street

New York, NY 10022-1112

Phone: 212.319.6383

Email: communications@agbu.org